

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

495. Quæ formæ seu praxis reservationis pensionis tam beneficio pleno,
quam vacante.

[urn:nbn:de:hbz:466:1-74494](#)

ut is commodius alatur in studiis) adjicitur decretum nullitatis reservatiovis in eventum non factum verè ac realiter integræ solutionis, remissio & diminutio pensionis facta per pensionarium titulari non habet locum : siquidem pensionarius nec minimam partem talis pensionis titulari remittere potest, sed tenetur eam integrè solvere titularis; quia dictum illud decretum ad amissum servandum sine alia interpretatione aut alteratione, sub pena nullitatis ipso jure.

Quæstio 493. An interea, dum petitur redditio, suspendatur executio?

Respondeo negativè ; dum nimur pensionarius est in possessione percipiendi pensionem. Card. de Luc. de pens. d. 11. n. 3. ubi : quod, donec causa petitionis terminetur per rem judicatam, vel tres conformes, tali existenti in quasi possessione exigendi pensionem denegari nequeat solario. Lott. l. 1. q. 38. n. 73. ubi ait : satis operatur quasi possessio in hoc, quod dum lis durat, non retardatur solatio sub prætextu, quod non sit probatum ; nec attendatur sententia, à qua sit appellatum ; nec quod agatur contra eum qui contentit expresse, sed contra successores. Item l. 1. q. 42. n. 56. ubi : quod solatio non suspendatur, interim dum agitur de reducenda pensione, tam cum prærenditur ob supervenientem diminutionem fructuum, quam cum prærenditur defectus ab initio ob expressum falso valore.

De modo imponendi pensionem.

Quæstio 494. An pensio imponenda sit in collatione beneficij, an post illam?

Respondet Azor p. 2. l. 8. c. 8. q. 4. usu servari, quod pensio utroque modo imponatur, quavis prior modus eam imponendi sit frequentior. Si vero imponatur secundo modo, id non fieri sine ejus, cui collatum beneficium, contentu ; qui is jam jus habet in beneficio, & ab initio integros fructus, seu portius jus ad illos accepit, adeoque ad hoc, ut fructus hi immixuantur, opus sit ejus consensu. Observandum tamen, ut tradit Laym. in c. cum clerici de pactu. n. 2. nimur quod auctio pensionis (quam facere posse episcopum ait cum consentiu Capituli ob rationabilem causam, dum maiores nunc quam ante ex beneficio proventus proveniunt) & omnis impositio pensionis (intellige facienda ab Episcopo) fieri debeat ante collationem beneficij ; et quod, si in ipsa collatione fiat, periculum sit pravitatis simoniacæ, quando pensionis solatio in commodum collatoris directe vel indirecte cedit.

Quæstio 495. Quæ forma seu praxis reservationis pensionis tam beneficio pleno, quam vacante?

Respondeo ad primum: Beneficio pleno reservari confuevit pensio de consentiu titularis illud possidentis (unde & pensio de consentiu, & ex causa lucrativa vocatur) exigitur autem causa urgens, & ad tollendas imposturas adjicitur decretum, ut nisi per titularem pensio solvatur statim temporibus, gratia sit ipso jure nulla. Lott. l. 1. q. 41. n. 17. Porro decretum hoc summo studio à Dataria excogitatum ad occurendum fraudibus,

dum compertum, tales pensiones ut plurimum fieri in fraudem, & ferre semper pro fraudulentis habitas à Dataria ; reservabantur enim communiter tales pensiones consanguineis & amicis titularium, qui libenter hujusmodi reservationi consentiebant, non tamen, ut ipsi in vita sua eam solverent, sed ut successores eorum in tali beneficio eam solverent ; vel etiam, licet titularis præfisiisset consensus ad hoc, nec non supplicatione signata, litera tamen Apostolica super dicta reservatione non expedirentur, nisi mortuo titulari, qui confererat, vel quando is credebatur de proximo moriturus. Unde hoc modo beneficia reperiebantur gravata pensionibus, quæ à titulari successore ignorabantur. Corrad. pr. benef. l. 5. c. 3. n. 10. juncto n. 6. qui etiam n. 13. addit. hinc optimo jure stylum Cuius obtinere, ut in vim prædicti decreti hujusmodi solutiones integræ facta probari nequeant, nisi per instrumenta publica cum subscriptione Notarii publici, & duorum testium saltem afferentium, se videlicet pensionario à titulari solvi pensionem ; nec suffragari quamcumque pensionem de recepta & soluta pensione propter collusionis suspicionem. De quo vide eundem Corrad. pluribus num. seq. uti & Card. de Luc. de pens. d. 8. à n. 3. Porro formulam tam supplicationis offerenda Papæ pro obtainenda hac reservatione pensionis, quam literarum similis reservationis secundum Cancellaria Apostolica stylum subiicit Corrad loc. cit. n. 1. & 2.

2. Respondeo ad secundum : Dum Papæ reservat pensionem super fructibus vacantis beneficii, ante omnia contemplatur vacationis factum certum, tam ex persona, quam ex modo sibi subjectis. Unde, si nulla hujusmodi seu diversa sit vacatio, intrat defectus intentionis Papæ ex defectu causa, & gratia est nulla ipso jure, neque ullo temporis tractu convalescit. Lott. loc. cit. n. 18. citans Versal. decisi. 298. à n. 1. p. 2. Dein contemplatur certam personam, cui reservat, qualitatem ; non enim confuerit pensiones Ecclesiasticas reservare alias quam personis iridem Ecclesiasticis, de quo inferioris copiosius. Ethinc, si Papæ fuerit suggestus clericatus, vel status regularis illius, cui reservat, secus ac res se habet, censetur quoque deficere ejus intentio, & ex hoc defectus gratia est nulla, neque ex superveniente qualitate convalescit, neque reputatio communis in contrariu attenditur. Lott. à n. 19. sub jungé n. 21. idem fore, si persona quidè esset ecclesiastica, sed diverso modo ab expresso, veluti quia regularis expressisset se clericū, & papa eximissione esse clericum seculari, reservaret ei pensionem super beneficio seculari. Ac denique attenditur ab eo quantitas reddituum beneficii gravandi pensione, ut congrua titulari determinetur, seu determinata à jure servetur illæsa, ita ut, cum reservatur pensio, perpetuò supponatur, ultra congruum titularis superesse fructus, qui possint pensione gravari : ac ideo, si nulli existent fructus, nihil quoque actum censetur ex eodem intentionis defectu. Lott. n. 22. Atque ita, ex his tribus efformatur intentio Papæ, secundam quam tota disputatio regulanda, dum præceduntur nullitas pensionis à principio. Lott. n. 16. De cetero, quæ praxis sit reservationis pensionis ex causa resignationis, quæ vocatur ad distinctionem præcedentium resignationis ex causa onerosa, præcipue cum regressu ad beneficium, tum constat ex dictis, tum constabit ex diceundis.

Quæstio